

## UNIVERZITET U TUZLI

Upravni odbor

Broj:04-7598-5/15

Tuzla,28.12.2015.godine

Na osnovu člana 18. stav (1) alineja I) Zakona o Univerzitetu u Tuzli («Službene novine Tuzlanskog kantona» broj: 9/08., 8/10. i 7/11.), člana 61. stav (2) Zakona o visokom obrazovanju Tuzlanskog kantona ("Službene novine Tuzlanskog kantona", broj: 8/08, 11/09, 12/09, 13/12, 16/13, 7/14 i 8/14), člana 72. stav (1) tačka t), a u vezi sa članom 74. tačka 25 Statuta Univerziteta u Tuzli, (Drugi prečišćeni tekst), nakon razmatranja prijedloga Senata za osnivanje Centra za doktorski studij Univerziteta u Tuzli broj: 03-6586-7/15 od 11.11.2015. godine, Upravni odbor Univerziteta u Tuzli, na sjednici održanoj 28.12.2015.godine, donio je slijedeću

### **ODLUKU**

#### **o osnivanju Centra za doktorski studij Univerziteta u Tuzli**

#### **I**

Ovom Odlukom osniva se Centar za doktorski studij Univerziteta u Tuzli (dalje: Centar) pod nazivom: "Centar za doktorski studij Univerziteta u Tuzli", kao podorganizaciona jedinica Univerziteta, i uređuje djelokrug rada i druga pitanja od značaja za rad Centra.

Sjedište Centra je u Tuzli, Ul.Dr. Tihomila Markovića broj 1.

Centar, kao podorganizaciona jedinica Univerziteta, nema ovlaštenja u pravnom prometu sa trećim licima.

#### **II**

Centar je namijenjen potrebama unapređenja kvaliteta organizacije doktorskog studija na Univerzitetu u Tuzli i edukacije novih doktora nauka izradom doktorske disertacije koja se temelji na izvornom istraživanju.

#### **III**

Svoju djelatnost Centar vrši u okviru registrirane djelatnosti Univerziteta u Tuzli - Visoko obrazovanje, a naročito:

- Vodi registar svih studijskih programa III ciklusa studija (doktorski studij) na Univerzitetu u Tuzli;
- Učestvuje (predlaže, savjetuje, koordinira, pomaže i sl.) u izradi i inoviranju studijskih programa doktorskog studija na fakultetima Univerziteta u Tuzli;
- Predlaže smjernice za izradu studijskih programa doktorskog studija;
- Vodi službene evidencije studenata doktorskih studija na Univerzitetu u Tuzli;
- Vodi registar doktorskih disertacija odbranih na Univerzitetu u Tuzli u okviru doktorskog studija;
- Predlaže Rektor i Senatu Univerziteta u Tuzli donošenje i izmjene opštih akata koji se odnose na doktorski studij u cilju poboljšanja njegovog kvaliteta, te inicira donošenje izmjene zakonskih i podzakonskih akata.
- Organizira prezentacije stipendija za doktorski studij finansiranih od strane vladinih institucija nevladinih organizacija u BiH inostranstvu;
- Organizira prezentacije javnih poziva za finansiranje naučno-istraživačkih projekata finansiranih

od strane vladinih institucija i nevladinih organizacija u BiH i inostranstvu u kojima mogu učestvovati studenti doktorskog studija, a u okviru kojih mogu napraviti istraživanje za doktorsku disertaciju;

-Organizira seminare, radionice i predavanja o iskustvima u organizaciji doktorskih studija u BiH, regionu i svijetu.

#### IV

Radom Centra rukovodi Vijeće Centra za doktorski studij kojeg čine:

- Voditelj Centra za doktorski studij (Prorektor za NIR po funkciji),
- Voditelji doktorskih studija na fakultetima Univerziteta u Tuzli čija realizacija je u toku.
- Administrativne poslove za potrebe Centra vrši Viši stručni saradnik u Uredu za naučno-istraživački rad Univerziteta u Tuzli.

#### VII

Ova Oluka stupa na snagu danom donošenja.

DOSTAVLJENO

1x Rektor

1x Ured za NiR

1x Voditelji doktorskog studija fakulteta

1x Pravna služba

1x Evidencija UO

PREDSJEDNIK  
UPRAVNOG ODBORA

Akademik prof./dr.sc. Enver Zerem